

ხელშეკრულება სახელმწიფო შესყიდვის შესახებ #2017-31

ქ. თბილისი

01 მარტი 2017 წელი

ერთის მხრივ „ერედვის მუნიციპალიტეტი“, მუნიციპალიტეტის გამგებლის ოთარ ცოტნიაშვილის (შემდგომში „შემსყიდველი“) სახით, და მეორეს მხრივ შ.პ.ს. „ულტრა“-ს, მისი დირექტორის გიორგი კარბელაშვილის (შემდგომში „მიმწოდებელი“) სახით, ვხელმძღვანელობთ სახელმწიფო შესყიდვების შესახებ საქართველოს კანონით და ჩატარებული გამარტივებული ელექტრონული ტენდერის (NAT 170001417) საფუძველზე, ვდებთ წინამდებარე ხელშეკრულებას შემდეგზე.

1. შესყიდვის ობიექტი

- 1.1 შესყიდვის ობიექტია: 4 (ოთხი) ერთეული ლაზერული შავთეთრი და 1(ერთი) ერთეული ფერადი პრინტერის შესყიდვა.
- 1.2. შესყიდვის ობიექტის რაოდენობა და ერთეულის ფასები მოცემულია ხელშეკრულების დანართში.

2. ხელშეკრულების ჯამური ღირებულება

- 2.1. ხელშეკრულების ჯამური ღირებულება შეადგენს 4319,00 (ოთხიათასსამასცხრამეტი) ლარს.
- 2.2 ხელშეკრულების ჯამური ღირებულება უნდა მოიცავდეს მიმწოდებლისათვის მოქმედი კანონმდებლობით განსაზღვრულ ყველა გადასახდელს.

3. შესყიდვის ობიექტის მიწოდების ვადები, ადგილი და პირობები

- 3.1. შესყიდვის ობიექტის მიწოდების ვადაა ხელშეკრულების გაფორმებიდან 10 სამუშაო დღე.
- 3.2. შესყიდვის ობიექტის მიწოდება უნდა განხორციელდეს ერედვის მუნიციპალიტეტის გამგეობის ადმინისტრაციულ შენობაში, დ. აღმაშენებლის გამზ. #89/24-ში.

4. ხელშეკრულების მოქმედების ვადა

- 4.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს ხელშეკრულებით გათვალისწინებული ვალდებულებების სრულ და ჯეროვან შესრულებამდე.

5. შესყიდვის ობიექტის მიღება-ჩაბარების წესი

- 5.1. შესყიდვის ობიექტის მიღება ფორმდება მიღება-ჩაბარების აქტით, რომელიც დადასტურდება „შემსყიდველისა“ და „მიმწოდებლის“ მიერ საამისოდ უფლებამოსილი წარმომადგენლების ხელმოწერებით.
- 5.2. მიღება-ჩაბარების აქტის გაფორმების საფუძველს წარმოადგენს ინსპექტირების ჯგუფის დასკვნა და „მიმწოდებლის“ მიერ წარმოდგენილი ანგარიშები.
- 5.3. მიღება-ჩაბარების აქტის გაფორმებასთან ერთად „შემსყიდველს“ წარედგინება ანგარიშსწორებისათვის საჭირო ყველა სხვა დოკუმენტი.

6. ხელშეკრულების ობიექტის ხარისხი და გარანტია

- 6.1. მიმწოდებელი იღებს ვალდებულებას, რომ შესყიდვის ობიექტი იქნება სტანდარტებთან შესაბამისობაში.
- 6.2. შესყიდვის ობიექტის ხარისხი უნდა შეესაბამებოდეს შემსყიდველის მოთხოვნებს.
- 6.3. შესყიდვის ობიექტის საგარანტიო ვადაა შავთეთრი პრინტერების შემთხვევაში მიღება-ჩაბარების აქტის გაფორმებიდან 1 წელი, ხოლო ფერადი პრინტერის შემთხვევაში 2 წელი.
- 6.4. „შემსყიდველი“ ვალდებულია წერილობითი ფორმით დაუყოვნებლივ აცნობოს „მიმწოდებელს“ ნაკლის აღმოჩენის შესახებ.
- 6.5. შეტყობინების მიღების შემდეგ „მიმწოდებელი“ ვალდებულია შემსყიდველის მიერ მითითებულ ვადაში აღმოფხვრას არსებული დეფექტები საკუთარი ხარჯით. საგარანტიო პერიოდში მიმწოდებელს დაეკისრება, როგორც ხელშეკრულების ობიექტის დეფექტების აღმოფხვრა, ასევე აღნიშნული დეფექტების შედეგად შემსყიდველისა და მესამე პირებისათვის მიყენებული ზიანის ანაზღაურება.
- 6.6. თუ „მიმწოდებელი“ ნაკლის აღმოფხვრასთან დაკავშირებით მიღებული შეტყობინების შემდეგ არ შეასრულებს თავის ვალდებულებებს, „შემსყიდველს“ უფლება აქვს „მიმწოდებლის“ ხარჯით უზრუნველყოს არსებული დეფექტების გამოსწორება.

7. ანგარიშსწორების ფორმა, გრაფიკი (ვადები) და ადგილი

- 7.1. „მიმწოდებელთან“ ანგარიშსწორება განხორციელდება ლარში;
- 7.2. შესყიდვის ობიექტის ღირებულების ანაზღაურება მოხდება უნაღდო ანგარიშსწორებით, ეტაპობრივად.
- 7.3. წინასწარი ანგარიშსწორება გათვალისწინებული არ არის.
- 7.4. ანგარიშსწორება მოხდება, მხარეთა შორის მიღება-ჩაბარების აქტის გაფორმების 10 საბანკო დღის განმავლობაში.
- 7.5. იმ შემთხვევაში თუ „მიმწოდებელი“ დაარღვევს ხელშეკრულებით განსაზღვრულ ვადებს დაეკისრება პირგასამტეხლოს გადახდა, „შემსყიდველი“ უფლებამოსილია უარი თქვას სანაცვლო ვალდებულების შესრულებაზე მიმწოდებლის მიერ პირგასამტეხლოს თანხის სრული ოდენობით დაფარვამდე.
- 7.6. ანაზღაურების ადგილია ქალაქი თბილისი.

8. მხარეთა უფლება-მოვალეობანი

- 8.1. „შემსყიდველს“ უფლება აქვს:
- _ შეამოწმოს მიწოდებული საქონლის შესაბამისობა ხელშეკრულებით გათვალისწინებულ პირობებთან.
 - _ განახორციელოს კონტროლი და ზედამხედველობა მიმწოდებლის მიერ ხელშეკრულების პრობების დაცვაზე.
 - _ უარი თქვას უხარისხო საქონლის მიღებაზე.
- 8.2. „შემსყიდველი“ ვალდებულია:
- _ წერილობით აცნობოს „მიმწოდებელს“ საქონლის მიწოდებასთან დაკავშირებული ყველა განსაკუთრებული გარემოების შესახებ.
 - _ მოახდინოს ანგარიშსწორება „მიმწოდებელთან“ ხელშეკრულებით გათვალისწინებული

პირობების შესაბამისად;

- დაიცვას ხელშეკრულების სხვა პირობები.

8.3 „მიმწოდებელს“ უფლება აქვს:

_ მოსთხოვოს „შემსყიდველს“ მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით.

8.4 „მიმწოდებელი“ ვალდებულია:

_ გააფრთხილოს „შემსყიდველი“ საქონლის მიწოდების პროცესში შეფერხების შესახებ.

_ დაიცვას ხელშეკრულებით გათვალისწინებული ყველა პირობა.

9. მხარეთა პასუხისმგებლობა ხელშეკრულების დარღვევისას

9.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

9.2. თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშუალოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

9.3. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიაღდა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4. ხელშეკრულებიდან გასვლასთან და ზიანის ანაზღაურებასთან დაკავშირებით შესაბამისად გამოიყენება საქართველოს სამოქალაქო კოდექსი.

9.5. „შემსყიდველი“ უფლებამოსილია საქონლის მიწოდების ვადის გადაცილების შემთხვევაში დააკისროს „მიმწოდებელს“ საურავი ყოველ გადაგადაცილებულ დღეზე სახელშეკრულებო ღირებულების 0,3% (ნული მთელი სამი მეათედი) პროცენტის ოდენობით.

9.6. იმ შემთხვევაში თუ ხელშეკრულების 9.5. პუნქტით გათვალისწინებული საურავის რაოდენობა მიაღწევს მთლიანი სახელშეკრულებო ღირებულების 3%-ს, შემსყიდველს უფლება აქვს ცალმხრივად შეწყვიტოს ხელშეკრულება.

9.7. მიმწოდებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ხელშეკრულებით გათვალისწინებული ვადების დარღვევა, ვალდებულების უხარისხოდ, არაჯეროვნად, არასრულად შესრულება და სხვა) შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება და დააკისროს პირგასამტეხლო სახელშეკრულებო ღირებულების 5%-ის ოდენობით.

10. ხელშეკრულების პირობების გადასინჯვის შესაძლებლობა

10.1 არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3. ფასების ცვლილების შესახებ ამ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

10.4. წინამდებარე ხელშეკრულებით გათვალისწინებული პირობების შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

10.6. ხელშეკრულებაში პირობების ცვლილება ფორმდება დანართის სახით და წარმოადგენს ხელშეკრულების განუყოფელ ნაწილს.

11. ხელშეკრულების შესრულების შეფერხება

11.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11.3. "შემსყიდველს" შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი მომსახურება ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

11.4. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.5. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

11.6 ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული მომსახურების ღირებულება.

12. ფორს-მაჟორი

12.1. მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

12.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

12.3. მხარე, რომელსაც შეექმნა ფორს-მაჟორული გარემოება დაუყოვნებლივ წერილობით აცნობებს ამის შესახებ მეორე მხარეს.

13. დავები და მათი გადაწყვეტის წესი

13.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

14. ხელშეკრულების ინსპექტირების პირობები

14.1. „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

14.2. ხელშეკრულების ინსპექტირებას შემსყიდველის მხრიდან განახორციელებს ერედვის მუნიციპალიტეტის ადმინისტრაციული სამსახურის უფროსი ალექსანდრე მაისურაძე.

14.3. შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ წუნდების მიზეზების მითითებით.

14.4. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

15. სხვა პირობები

15.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2. მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

15.3. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15.5 ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ ნაწილად და სავალდებულოა შესასრულებლად.

15.6 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე. რეკვიზიტების ცვლილების თაობაზე მეორე მხარეს ეცნობება წერილობით.

15.7 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება დეპეშის, ტელექსის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

შემსყიდველი:

ერედვის მუნიციპალიტეტი

ანგარიშსწორების რეკვიზიტები

ს/კოდი: 218065055

მის: ქ. თბილისის, დ. აღმაშენებლის გამზ #89/24.

ხაზინის ერთიანი ანგარიში

GE24MB0330100200165022

ბანკის კოდი TRESGE22

მიმწოდებელი:

შ.პ.ს. „ულტრა“

ანგარიშსწორების რეკვიზიტები

ს/კოდი: 206258182

მის: ქ. თბილისის, ვაჟა ფშაველას 15

ბანკი რესპუბლიკა

ც/ფ: REPLGE22

ა/ა GE56BR0000003608083870


ერედვის მუნიციპალიტეტის გამგებელი

შ.პ.ს. „ულტრა“-ს დირექტორი

ოთარ ცოტნიაშვილი

ირაკლი კარბელაშვილი





პრეტენდენტის დასახელება: შპს ულტრა

დანართი #2

№	დასახელება	საქონლის მახასიათებლები	შწარმოებელი ქვეყანა	საფარმო სახელწოდება	გარანტიის ვადა	განზ.	რაოდენობა	ერთეულის ფასი	საერთო ღირებულება
1	ლაზერული შავთეთრი მრავალფუნქციური პრინტერი HP LaserJet Pro MFP M225dn	ფუნქციები: პრინტერი, სკანერი, კოპირერი, ფაქსი, ქაღალდის ავტომატური მიწოდება. ბეჭდვის სიჩქარე: 26 გვერდი წუთში. პირველი გვერდის დაბეჭდვის დრო : 8 წამი. ბეჭდვის რეზოლუცია: Up to 1200 x 1200 dpi. ყოველთვიური მაქსიმალური დატვირთვა: 30000 ფურცელი. რეკომენდებული ყოველთვიური დატვირთვა: 500 დან 2000 გვერდამდე. ბეჭდვის ტექნოლოგია: ლაზერული. სკანირების ტიპი: Flatbed, ADF. სკანირების ფორმატი: JPEG, PDF, PNG. სკანერის ოპტიკური რეზოლუცია: Up to 1200 dpi (mono, flatbed). სკანირების სიჩქარე: Up to 15 ppm (b&w), up to 6 ppm (color). ავტომატური დოკუმენტის მიწოდების ტევადობა: 35 ფურცელი. კოპირების სიჩქარე: Up to 26 cpm. კოპირების რეზოლუცია: 600 x 600 dpi. ერთჯერადი კოპირების რაოდენობა: 99 ფურცელი. ფაქსის მოდემი: 33.6kbps. ფაქსის რეზოლუცია: 300 x 300 dpi. ფაქსის მეხსიერება: 400 გვერდი. პროცესორის სიხშირე: 600 MHz. ოპერატიული მეხსიერება: 256MB. ეკრანი: 2-line LCD (text). საკომუნიკაციო პორტები: Hi-Speed USB 2.0 port (host/device), Built-in Fast Ethernet 10/100Base-TX network port, Phone line port (in/out). ორმხრივი ბეჭდვა: კი, ავტომატური. ფურცლების მიწოდება სტანდარტული: 250 ფურცლიანი შემაჯალი თარო; 1 ცალი პრიორიტეტული უჯრა; 100 ფურცლიანი გამოშვებული თარო. ქაღალდის ფორმატების მხარდაჭერა: A4; A5; B5 (JIS); C5; DL; Envelopes. ქაღალდის წონა: 60 to 163 გ/მ ² კომპლექტაცია: კარტრიჯი, კომპიუტერთან დამაკავშირებელი ყველა საჭირო კაბელი	ჩინეთი	HP	1 წელი	ცალი	4	865	3460
2	ფერადი მრავალფუნქციური პრინტერი Epson L366	ბეჭდვის მეთოდი: ჰაველური, ფერადი უწყვეტი მელნის მიწოდების სისტემით ფუნქციები: ბეჭდვა, სკანირება, ასლის გადაღება ბეჭდვის სიჩქარე: 33 ფურცელი/წუთში (შავ-თეთრი), 15 ფურცელი/წუთში (ფერადი), ფოტო 10x15სმ 69წმ ბეჭდვის გაფართოება: 5760 x 1440 dpi. სკანირების გაფართოება: 1200x2400 dpi. ასლის გადაღების გაფართოება: 1200x2400 dpi. პორტი/ინტერფეისი: USB 2.0 Type B, Wi-Fi. ქაღალდის ავტომატური მიწოდება: კი. თავსებადობა: Mac OS 10.5, Windows XP/Vista/7/8. კარტრიჯი: (Cyan), (Yellow), (Magenta), (Black), 70ml. ბეჭდვის რესურსი: შავ-თეთრი A4 - 4500 გვერდი, ფერადი 7500 გვერდი. გაზომვები: 482 x 300 x 145 მმ. წონა: 4.5 კგ	ჩინეთი	Epson	2 წელი	ცალი	1	859	859
ჯამური ღირებულება ლარში სულ									4319.00

მოცემული ფასები და საბოლოო ჯამური ღირებულება არის დღგ-ს ჩათვლით
პროდუქციის ღირებულებაში შედის საქონლის მიწოდება შემსყიდველის მისამართზე

ანგარიშსწორების პირობები:

ანგარიშსწორება უნდა განხორციელდეს მიღება-ჩაბარების აქტის გაფორმებიდან 10(ათი) სამუშაო დღის ვადაში

საქონლის მიწოდება განხორციელდება ხელშეკრულების გაფორმებიდან 10 სამუშაო კალენდარული დღის განმავლობაში, შემდეგ მისამართზე: ქ. თბილისი, დ. აღმაშენებლის 89/24

დირექტორი /ი. კარბელაძე



წერილი
სახელმწიფო შესყიდვის
(ხელშეკრულება №2017-3101.03.2017 წელი)
გამარტივებული ელექტრონული ტენდერის საშუალებით განხორციელებისას
ინტერესთა კონფლიქტის თავიდან აცილების შესახებ.

ქ.თბილისი

01 მარტი 2017 წელი

ვადასტურებთ, რომ ჩვენი მონაწილეობა, 2017 წლის "01" მარტს გაფორმებულ №2017-31 ხელშეკრულებით გათვალისწინებული 4 (ოთხი) ერთეული ლაზერული შავთეთრი და 1(ერთი) ერთეული ფერადი პრინტერის მიწოდების სახელმწიფო შესყიდვის განხორციელებასთან დაკავშირებულ საქმიანობაში არ ეწინააღმდეგება "სახელმწიფო შესყიდვების შესახებ" საქართველოს კანონის მე-8 მუხლის მოთხოვნებს.

ერედვის მუნიციპალიტეტის
გამგებელი



ოთარ ცოტნიაშვილი

ერედვის მუნიციპალიტეტის
ადმინისტრაციული სამსახურის
უფროსი



ალექსანდრე მაისურაძე